

Tun Abdullah Mohd. Salleh



Tun Abdullah bin Mohd Salleh
(1 Oktober 1976 - 31 Disember 1978)

Ketua Setiausaha Negara yang kelima, Tun Abdullah Mohd. Salleh yang dilantik pada 1 Oktober 1976 hingga 31 Disember 1978 meneruskan usaha-usaha memantapkan jentera pentadbiran bagi pelaksanaan DEB ke arah pencapaian objektif serampang dua mata – membasmi kemiskinan dan menyusun semula struktur masyarakat. Sejarah perkhidmatan Tun Abdullah bermula apabila beliau menyertai Perkhidmatan Awam Johor pada 1955 dan seterusnya dilantik menyertai *Malayan Civil Service* pada 1957. Antara jawatan utama yang pernah dipegang beliau adalah sebagai Setiausaha Sulit kepada Perdana Menteri Malaysia yang pertama YTM Tunku Abdul Rahman Putra Al-Haj dari tahun 1959 hingga akhir

tahun 1961 dan seterusnya sebagai Timbalan Setiausaha, Suruhanjaya Perkhidmatan Awam.

Tun Abdullah Mohd. Salleh dilahirkan pada 24 Jun 1926 di Kampong Batu, Padang Sebang, Melaka. Pada tahun 1972, beliau dilantik sebagai Ketua Setiausaha Kementerian Pertanian dan Perikanan. Pada tahun 1974, beliau dinaikkan pangkat menjadi Ketua Pengarah Perkhidmatan Awam sebelum dilantik sebagai KSN pada tahun 1976. Beliau bersara dari Perkhidmatan Awam pada 1 Januari 1979. Antara sumbangan utama beliau adalah pengenalan kepada *Code of Conduct for the Civil Service* yang menjadi panduan penjawat awam ketika itu. YAB Perdana Menteri, Dato' Hussein Onn memberi gambaran Tun Abdullah Mohd. Salleh sebagai seorang ketua yang berpengalaman luas melalui kata-kata berikut:

*"In view of his vast experience, as well as his strong motivation, he initiated many measures for the improvement of the Civil Service during his short tenure as the Chief Secretary to the Government. One of his final measures to improve the quality and increase the performance of the Civil Service is the introduction of the Code of Conduct for the Civil Service which will serve as a guideline for civil servants."*⁴

⁴Ibid., pp. 129-130.